

元始无量度人上品妙經卷之三

天地八維安鎮國祚品

道言昔於靜空天中朱落神風太玄妙土受元始度人天地八維安鎮國祚无量上品元始天尊當說是經周迴八過以召八維始當詣座天地八維大神上聖高尊鎮國眞君無鞅數眾乘空而來玉華紫氣瑞靄凝暉瓊車泛霞羽仗交映翠蓋駢羅香風散靈天精昭朗萬象澄鮮神光散揚黃霧芬苾綠羅泛景洞煥太虛八日八夜諸天日月星宿經緯魁衡一時停景金眞玉明靈響靜空法雷輕震莫不肅然一國地土緬平一等山川煒麗林木敷榮威光應感天瑞咸臻眾眞翊侍元始天尊立坐玉

道藏輯要

度人妙經

三

角集一  
X 8 3

藥敷華御化寶牀之上說經一徧諸天大聖同時稱善是時萬國一切有情普蒙開化俱發善心說經二徧八維安鎮帝祚綿昌說經三徧品彙交和民人富樂說經四徧禍亂永消毒害不生說經五徧道化普宣咸陶聖範說經六徧天覆地載和氣沖融說經七徧靈文顯布正道清明說經八徧民物熙洽無有爭心說經九徧眞文發現說經十徧嘉祥沓至是時一國是男是女莫不傾心皆受護度咸得長生

道言是時元始天尊說經一徧東維无極无量品青華官君將吏無鞅之眾淨空而至說經二徧南維无極无量品丹華官君將吏無鞅之眾淨空而至說經三徧西維无極无量品皓華官

君將吏無軼之眾浮空而至說經四徧北維无極无量品紫華  
官君將吏無軼之眾浮空而至說經五徧東北維無極無量品  
鬼門官君將吏無軼之眾浮空而至說經六徧東南維無極無  
量品地戶官君將吏無軼之眾浮空而至說經七徧西南維無  
極無量品人門官君將吏無軼之眾浮空而至說經八徧西北  
維無極無量品天門官君將吏無軼之眾浮空而至八徧周竟  
八維安鎮國祚官君將吏八景八威八史八神諸部仙官曹屬  
之眾一時同至一國男女傾心歸仰皆願天地八維福瑞應感  
安泰欣榮來聽天尊宣布法要安鎮國祚保天長存有如細雨  
密霧無軼之眾傾國圍繞非可禁止於是元始卽於眉間額珠

道藏輯要

度人妙經

素

角集一  
×××

之上出異色寶光光分八道每一道中現天書自然梵炁神符  
於此八維出此八符安鎮國祚保定乾坤復現丹章玉文靈篇  
迎至妙氣感攝嘉祥元始登引八維天曹地司官君將吏八方  
至真无量大神無軼數眾俱入寶光之中天人仰看惟見拂拂  
從寶光中入混化梵炁神符之內旣入寶光不知所在國人廓  
散地靄綿雲皎如柔玉元始卽於妙景之內說安鎮國祚大法  
都竟眾真監度以授於我當此之時喜慶難言法事粗悉諸天  
復位倏歛之間寂無遺響是時天人遇值經法普得濟度全其  
本年無有殘傷傾土歸仰咸盡一心不欺不誣不忤不謀不毀  
不爭不佞不邪不媚不忍言尙忠正口無怨讐齊同慈愛異國

成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名安鎮國祚禳解八維致福降祥隱韻之音亦是上靈內祕琅笈之書招集至真元聖妙有內諱保帝熙時之隱名也非世之常辭上聖已成真人通玄降靈力扶皇圖道持洪祚威伏邪醜德被生類能悉其章誦之八徧八維康靖六合又甯諸天遙唱萬帝設禮河海湛然山嶽效靈日月重景璣星順躔羣魔束形鬼精滅爽迴福延世安養種人至學之士誦之八過則五帝護國三天助持魔精喪眼鬼祆滅爽濟度垂死絕而得生所以爾者學士雖稟至

道藏輯要

度人妙經

三

角集一

科八維峙符安鎮靈法神氣未合體未洞真召至八神威未制天政德可伏御地祇束縛魔靈但請祥致福而已不能更生輕誦此章身則被殃供養尊禮家國興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經八過天地八維八神官君將吏八景大神安鎮國祚八大神王八方真人同時齊到邪怪潛伏民物安和邦家甯鎮魔精妖魅八符禳解營護真靈八維之地伏骼藏屍千年木石水火之怪丹蛇赤鼠陰影冤滯古昔之鬼往眾先宗億會萬祖幽魂苦爽皆卽受度上升朱宮格皆九年變化更生得見

太平而好學至經功滿德就皆得神仙飛昇金闕遊宴玉京也  
上學之士修誦是經身合天地絡應八維頭中九宮上通太極  
八方玉文煥照身宮保鎮心君性靜無爲混合百神魂魄受鍊  
陰陽運靈左居無英右守白元中有晨暉照耀億千驛馬奏功  
司命結篇皆卽受度飛昇南宮普世受誦俱獲道真玉符招神  
神安氣靈赤筋霜髓紫脈成文文布洞章骨變丹金則乃延壽  
長年後皆得作尸解之道魂神暫滅不經地獄卽得返形遊行  
太空此經微妙普度無窮一切天人莫不受慶無量之福生死  
蒙惠上天所寶不傳下世至士齋金寶效心盟天而傳輕泄漏  
慢殃及九祖長役地官侍經八維安鎮玉童玉女各三十二人

道藏輯要

度人妙經

三

角集一

營衛神文保護受經者身

道言正月長齋誦詠是經安鎮寅卯辰巳午未申酉戌亥子丑  
之方維正之位兆域之中爲上世亡魂斷地逮役度上南宮七  
月長齋誦詠是經安鎮天地民物生靈咸遂道性克慕神仙諸  
天書名黃籙白簡削死上生十月長齋誦詠是經爲國王帝主  
君臣父子安鎮國祚保天長存世世不絕常爲人君安鎮其方  
民稱太平八節之日誦詠是經天地八維咸皆安鎮八景降祥  
瑞應備現靈文祕圖八柱刊瓊八官紀善道化保於無窮三元  
之日誦詠是經十二辰宮四方八維天神地祇施慈降福注定  
吉祥永使聖君上德日隆神洞無間體生王華面有金顏魂神

澄正萬炁長存斷除苦惱身有光明三界侍衛五帝司迎萬神  
朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二  
通上聞三十二天心拜三十二過閉目靜思身坐青黃白三  
色雲氣之中內外蒼冥有青龍白虎朱雀玄武獅子白鶴羅  
列左右日月照明洞煥室內八維符吏八面功曹環立侍直  
項生圓象內現天文龍鳳之書安鎮天地光映八維如此分  
明密呪曰

无上玄元太上道君召出臣身中三五功曹左右官使者侍香  
玉童傳言玉女五帝直符直日香官各三十二人關啟所言今

道藏輯要

度人妙經

三

角集一  
三十二

日吉慶長齋清堂修行至經无量度人願所啟上徹徑御

无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章上品妙首安鎮度人天地八維八威隱韻  
凝篆自然八神赤文祖劫元真元始妙氣化生諸天開闡八維  
輔立天根天地神真分氣結身方維既定禍福乃陳上帝靈符  
辟魔護人無文不光無文不明無文不立無文不成無文不安  
無文不鎮是爲大梵安鎮乾坤國祚隆長慶瑞永綿鬱羅蕭境  
玉帝靈都上極无上大羅天中眇眇劫初下至崑崙莫界八維  
區別萬方辨分正位皆有官君神吏守衛奏疏上晨紀善注功  
率由於民大行梵炁周回八方中有天地八維之神直符殺鬼  
之使安鎮國祚之尊南極長生大君神霄真王青華之君出教

道藏輯要

度人妙經

早

角集一  
X川

立法保國護民符鎮八維天地朗明天省玉堂上相真君中有  
上宰玄司之君禳解災氣國祚咸寧中有南上司命司錄延壽  
益算度厄尊神清蕩方隅萬物欣欣今日開化諸天臨軒

東維无極飛天護世神王長生大聖无量度人

南維无極飛天護世神王長生大聖无量度人

西維无極飛天護世神王長生大聖无量度人

北維无極飛天護世神王長生大聖无量度人

東北維无極飛天護世神王長生大聖无量度人

東南維无極飛天護世神王長生大聖无量度人

西南維无極飛天護世神王長生大聖无量度人

西北維无極飛天護世神王長生大聖无量度人

八維守符飛天護世神王長生大聖无量大神並乘玄雲都吏  
甲馬八維神官神吏旗幡騶騎乘駕風雲噴煙吐火龍神驛卒  
鬼官虎賁四面大將八臂神丁朱額青甲乘飈跨麟直符小吏  
安鎮靈曹地域之神億乘萬騎升降而來迎侍霄駕鎮國保生  
天機丞相南昌上宮韓司主錄八維大神執天地籍檢察萬神  
飛意密召齊到帝前隨所方維嚴奏上天普告三界无極神鄉  
泉曲之府北都羅酆三官九府十二河源急召積屍大靈星君  
使度生民八維尅害破射惡殺呼魄追魂上解祖考億劫種親  
疾除罪簿落滅惡根不得拘留逼合鬼羣元始符命安鎮升遷  
道藏輯要

度人妙經

聖

角集一  
川文川

北都寒池部衛形魂地司保舉度品南昌天機都省道運長新  
死魂受鍊仙化生民生民受度劫劫永存隨劫輪轉與天齊年  
永度方維注害不干隨符安鎮保慶長年道備德成超凌三界  
逍遙上清上清之天天帝玉眞護持國境梵行

東方八天

明持玉陽天

帝至利師方

角胎上極天

帝勳夷思完

儲淨妙有天

帝羣題士詢

彥迹鉛宗天

帝厯蘄化常

氏張輔皇天

帝彭義慈

太至昊祖天

帝招機總維

祕曹韓化天

帝傳真識元

逸邈希順天

帝祖羅英

南方八天

煥度霄炎天

帝龍漸瀾沙

鑄神骨想天

帝玄鮮生

曜華麗舉天

帝純寂渙池

宣革慶鴻天

帝香京沂牢

變黼拭崇天

帝肇玄慈名

斗虛爛阿天

帝真雲祕都

道藏輯要

度人妙經

聖

角集一  
一文上

阻義炎流天

帝猛子迴堂

略羽道餘天

帝洞景易當

西方八天

紆論制魔天

帝誥屠辛良

柳寓偶當天

帝伯定謨

微連紫鯨天

帝奏祥敷

傲靈悅空天

帝上覺真

越積渚安天

帝演邱資賢

宜封觀虛天

帝峻淵辭朋

義神飛廬天

帝判極洞霞

頌玄流景天

帝泰遙康容

北方八天

兜玄隱微天

帝氣襲龍枚

兆化億光天

帝保粹沖

史阿奚幾天

帝湊昌輪

豫常尤俞天

帝斷從堅

賓張守符天

帝曲回明方

福王行逸天

帝壽耆睎

靜原華鼎天

帝度眞天形

道遠浩流天

帝言永疆

道藏輯要

度人妙經

聖

角集一  
川メシ

三十二天三十二帝諸天隱諱諸天隱名天中空洞安鎮國祚  
自然靈章八維隱韻安鎮之音安鎮之尊八維之神八維大魔  
八維之靈度符玄合變化上清无量之奧深不可詳召攝神眞  
普度天人今日禳除度法厯關諸天請鎮國維斬絕祇羣飛仙  
八景名列太玄眞魔監舉無拘天門東斗定化西斗伏祇北斗  
斬姦南斗衛生中斗鎮惡總監八維青帝養育白帝輔成赤帝  
安民黑帝滅禍黃帝衛生保安兆時青天魔王安鎮東維赤天  
魔王寶符南離白天魔王西遏刀兵黑天魔王北維普甯黃天  
魔王八威神兵五帝大魔搜捕八維清肅天地總領鬼兵麾幢  
鼓節遊觀太空靈文煒煥羅布威光安鎮國祚嚴攝邪氛神王

受命除世不祥玄蛇吐毒九都膽張天丁縛鬼北斗戮精擲火  
萬里流鈴八衝敢有干試拒遏八神金刀亂施一祇滅形仰嘯  
玉華俯咀絳津天地八維念道安真屠滅禍爽風火無停千千  
截首萬萬剪形魔無干犯鬼無祇精三官北酆明檢鬼營不得  
容隱金馬驛呈普告無窮萬神咸聽三界五帝列言上清

元始上帝和合三炁天地八維安鎮國祚之法祕於

東華寶室威禁至重八維真符皆自然靈章飛玄之華九鳳  
之氣以成紫字用以救護世厄方隅邪怪境土不順之道若  
國境疾癘兵盜水火之難則行香修齋六時行道誦此

妙經隨所災分丹書此符作旺相所宜之色設於國內燒香

道藏輯要

度人妙經

四

角集一


醮禮

三天帝君八維神王將吏中庭法師仗劍步躡斗罡禁氣誦  
呪隨所安符訖後三日或七日徹去壇席大吉如一家有方  
隅注害毒惡之氣身黃土符之殺亦用此符禳厭亦祭八維  
官君將吏等也此

上清護世之文不可輕慢衛符皆有靈官童子玉女直符以  
申令行事焉具符如左八符或繒或紙金鑄石刻皆可每維  
直符十九人使者三人守符官君將吏三千人

安鎮東維青華丈人護世長生真符

青書黑縉施震宮上



道藏輯要


度人妙經

墨

角集一  
八十一


安鎮南維赤靈真人護世旺福真符

丹書黃縉施離宮上



安鎮西維章簡玉女護世禳兵真符

白書黑繒施兌宮上



道藏輯要


度人妙經

異

角集一  
八十一


安鎮北維龍玄大神護世保祚真符

黑書白繒施坎宮上



安鎮東北維皓真靈君護世伏魔真符

白書綠繒施良宮上



道藏輯要


度人妙經

畢

角集一  
上十


安鎮東南維碧仙神君護世通玄真符

碧書紫繒施巽宮上



安鎮西南維玄真夫人護世寶皇真符

黑書絳繒施坤宮上



道藏輯要


度人妙經

咒

角集一

安鎮西北維天老帝君護世鎮國真符

白書黑繒施乾宮上



如上八符皆梵炁至精變化自然成文安鎮天地八維變災  
爲福帝尊萬年民有信誠取黃繒以丹書八符佩身辟萬邪  
千禍出入往來不避太歲方維大殺修營居室施符八維元  
亨利貞

安鎮國祚萬歲太平五福真君一十二字黃書之安中央  
石臺上

炎 義 龍 斗

道藏輯要

度人妙經

晃

角集一

帝 輪 璿 圖

安 福 壽 明

中央玉文一十二字保鎮國祚福壽帝尊諸天上帝臺闕之  
上皆刻書之也國界之內四時不調災癘競起皆當醮禮天  
真敷露五方真文安鎮八符及山水簡券七日之內必獲感

降致福流祥也

元始混茫五氣回光上降下接玉液流滂結爲玉京環峙八方  
金氣生剛神風激揚浩浩九劫太乙玉房道爲氣母龍漢延康  
眇眇億劫混沌之中上無色界下無輪淵金粟潤澤羣龍伏潛  
中有大神身如玉蜎莽莽萬丈噴雷吐烟眼爲日月血液爲泉  
浩波杳冥海之百川雲凝氣鼓玉景爲天天上天下無幽無冥  
無形無影無極無窮溟滓大梵遼廓無光赤明開圖運度自然  
元始安鎮敷落靈真八維神綱星斗交連勅命靈官分域龍君  
天殺地殺八維大神十二宮分上乾下坤道氣如繩貫珠絡繹  
神符赤書辟斥祆氛保制劫運使天長存梵氣彌羅萬範開張  
道藏輯要

度人妙經

辛

角集一  
X 118

元綱流演三十二天輪轉無色周回八維旋斗厯箕六氣纏綿  
三十五分總御天關勝伏凌犯動靜改遷維內守神衛世無愆  
生善滅惡定錄三天八景冥合氣入玄玄玄中太皇上帝高眞  
汎景八維禳鎮咸甯金眞朗郁流響雲營玉音攝氣靈風聚煙  
紫虛鬱秀輔翼萬仙露文植符福祚帝宸水升火降自然成真  
眞中有神長生大君無英公子白元尊神太乙司命桃康合延  
八維之內各有尊靈共保皇圖護衛帝門執符把籙保國救民  
上遊上清出入華房八維之內細微之中下鎮白靈中華絳宮  
運行五氣混合萬神十轉迴靈萬氣齊眞眞道貴生无量度人  
上開八關八維之方罪福禁戒宿命因緣普受開度死魂生身

九土安鎮氣降諸天諸天之上八道靈文中有空洞謠歌之章  
眞王靈篇辭參高眞

第一欲界清甯維域飛空之音

道化一形

陰陽兩分

天上天下

瓊室玉宮

十二神營

八維四門

水火金木

寒暑相因

沖氣爲和

刑尅俱存

順爲吉德

逆爲禍根

天地八維

倚伏所存

煌煌赤符

蕩逐神姦

保德常自吉

泄慢常自凶

高上神霄王

綠輿來紫空

惟願法教興

道藏輯要

度人妙經

至

角集一  
川之川

生津遠莫窮

龍章施八維

辟除禍害宗

不使斷正氣

保延世運亨

凌虛誦洞玄

以攝扶持功

束送幽邪靈

斬馘祇魔鋒

安鎮長綿綿

聖祚日興隆

第二色界八維禧祐之章

玉都萬神

總御八方

圓羅洞無

大梵周行

變化浩渺

周布億千

飛玄成書

佩服眞靈

斷絕殃注

吉慶相連

坎離激戾

邪氣紛紛

神符所至

靈光燕存

福降紫清

運會自然

此時樂兮

上帝之恩

禳祆滅凶

生類和甯

我道難遇

故顯洞文

飛空妙範

混合玄元

成敗之用

率由爾身

普天護度

賴此歌音

第三無色界安鎮天福歌曰

碧雲鬱塞

玉淨圓羅

洞虛無色

燿素靈波

惟有元一

混沌之神

生育天地

布列玄真

世分八維

中含紫虛

皇極爲王

統御萬方

道藏輯要

度人妙經

至

角集一  
四〇三

飛神萬變

法道眞常

赤文煥麗

制魔召祥

施張靈化

庶物咸康

致福者心

諒不由他

心通妙意

三氣凝華

國祚由是安

教化靡不同

萬神享慶會

靈童伐鼓鐘

此三界之上飛空之中飛仙歌音參洞章誦之百徧名度南  
宮誦之千徧魔王保迎萬徧道備飛昇太空過度三界位登仙  
公有聞靈音魔王敬形勅制地祇侍衛聖君八紘安泰永絕禍  
難祖禰升遷遊宴玉天欣樂無窮歡盼劫年是謂無量保度無  
窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈真王隱祕之音皆是大梵之言非世之常辭言無韻麗曲無華宛故謂玄奧難可尋詳上天所寶祕於玄都紫微上官依玄科四萬劫一傳若有至人齋金寶質心依舊格告盟十天然後而付焉

道言夫天地運度否終日月五星虧盈至聖神人休否末學之犬疾傷上逮國境水旱民物疾癘八維之分有諸災怪同氣至士皆當齊心修齋六時行香八徧轉經醮禮天真八維施符中安十二玉字勤苦至禱福德立降消諸不祥無量之文普度無窮

道言夫治化未周道德未充事應廣運開闡立功當擇上學至

道藏輯要

度人妙經

卷三

角集一

人爲其行香誦經則天地八維普獲安鎮國祚咸亨人無邪害真正神明萬物被德稟生受靈鬼屍滯爽開度形魂徑上南宮隨其學功計日而得更生輪轉不滅便得神仙

道言夫天地運終星宿錯度日月失昏四時失度陰陽不調國境有災水火兵盜疫毒流行兆民死傷師友命過皆天地八維刑勝之氣注射使之皆當施符按法修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經醮告八維施符用法誦經八過皆諸天記名萬

神侍衛右別至人尅得爲聖君金闕之臣諸天記人功過毫分  
無失天中眞王亦保舉爾身得道者乃當洞明至言也

諸天中大梵隱語无量音 道君譔

元始靈書安鎮國祚玉篇

東方八天

竅呌鼈醯 辯霸無露 教昂洎撲

越英孳緘 房扁流轄 爰瓏稽榔

妙落筆俞 肇熒彌摩 郁圖環祖

寶冥健稠 琯斐赭環 徼咸協汾

鮮鐸巴漫 尪瓊綠完 蔽膜遊綿

道藏輯要

度人妙經

善

角集一  
二二

邈巒斗箋

南方八天

訥池建憇 炯桓疑旹 罔玄師元

霹溥優賓 宥團宥假 天晶歷孫

叫崛羈罩 麼錫漾敦 鏤犀幹索

譚監鬼遭 懋姬暄緒 屢洁婁滷

蕭仙登京 篆昭孔盟 晝就豚浹

混徊洞侖

西方八天

蘇詞交彭 屈觀史庚 忍利歆遁

幽茂武神

主羅積坤

殊容被紳

濫卓廣割

嬰漏淵璘

頂舍乾婁

淨展昏鈞

命提權茹

邁混泥淪

淪莊運秀

毗孤遼泉

達濯衍文

史極酉仙

北方八天

藏堅濟銳

日曄靈頤

輻遠蹟徠

蘊剽犀雷

耀揚晃微

陀蘭伊垂

乳鹹旌派

虛劫赤豐

盤縷俯巔

纏翅驛繪

鈕耿遙玄

直沆霄宣

道藏輯要

度人妙經

卷

角集一

蕩逸巨廓

龍廬皎荃

鄂截令牢

燔丁北然

道言此諸天中大梵隱語无量之音舊文五色神金鼓冶爲符  
安鎮天地八維之上調正運數氣合元和扶衛國祚與道常興  
字皆廣長一丈天真皇人昔書其文以爲正音有知其音能齋  
而誦之者諸天皆遣八方神王八維宰收下觀其身書其功勤  
上奏諸天萬神朝禮地祇侍門大勳真仙保舉上眞道備尅得  
遊行三界升入金門此音無所不辟無所不禳無所不度無所  
不成天真自然之音也故誦之致八眞下觀上帝遙唱萬神朝  
禮三界侍軒羣祇束首鬼精自亡琳琅振響十方肅清河海靜

默山嶽吞煙萬靈振伏招集羣仙天無氛穢地無祆塵冥慧洞  
清大量玄玄也

道藏輯要

度人妙經

美

角集一  
×十×

正一天師清微弟子共百堅製作

道教學術資訊網站